

《印光大師文鈔選讀》 補充講表

◎附表二：

※徑路修行

蓮池大師於《阿彌陀經疏鈔》云：「徑路者：路小而捷名徑。小：喻念佛為力之簡易。捷：喻念佛成
功之迅速。善導大師偈云：唯有徑路修行，但念阿彌陀佛。是也。」

※專談淨土緣起事理

《徹悟禪師語錄》云：「淨土，乃即性空而明緣起，雖緣起而不礙性空。」

又云：「從本源心性，流出種種般若淨土法門；而種種般若淨土法門，皆悉指歸本源
心性。所謂無不從此法界流，無不還歸此法界也。」

慧思大師於《大乘止觀法門》指出「一心，即自性清淨心，又作真如、佛性、如來藏、法界、法性等。」

《阿彌陀經疏鈔》云：「世出世間，無一法出於心外，淨土所有依報正報，一一皆是本覺妙明。譬之瓶環釵釧，器器唯金；溪澗江河，流流入海，無不從此法界流，無不還歸此法界也。」

淨土緣起之事：因緣果報，全理成事（不變隨緣）：無不從此法界流

《徹悟禪師語錄》云：「法藏比丘，對世自在王佛，發稱性四十八種大願，依願久經無量長劫，修習大行，至於因圓果滿，自致成佛。法藏轉名彌陀，世界轉名極樂。」

淨土緣起之理：全事即理（隨緣不變）：無不還歸此法界

《徹悟禪師語錄》云：「彌陀之所以為彌陀者，深證其唯心自性也；然此彌陀極樂，非自性彌陀唯心極樂乎？但此心性，乃生佛平等共有；不偏屬佛，亦不偏屬眾生。」

《大乘止觀法門》云：「心性自清淨，諸法唯一心。此心即眾生，此心菩薩佛。」

《大乘止觀述記》云：「心者，第六意識，所謂現前一念，不變隨緣者是也。性者，空不空如來藏，

所謂性淨明體，隨緣不變者是也。自謂本來，此心雖終日隨緣，而性淨之體不變，故曰本來清淨。諸法句，頌全事即理。諸法，謂十法界因果，事也。然諸法不離一心，心外無法，理也。所謂法界圓融體，作我一念心。……此心即眾生二句，頌全理成事。蓋迷此心而成染濁三性，即是流轉生死之眾生；悟此心而成清淨三性，即是證大涅槃之佛菩薩。」

※普賢菩薩為說十大願王

《普賢行願品》云：「如來功德，假使十方一切諸佛，經不可說不可說佛剎極微塵數劫，相續演說，不可窮盡！若欲成就此功德門，應修十種廣大行願。何等為十？一者、禮敬諸佛。二者、稱讚如來。三者、廣修供養。四者、懺悔業障。五者、隨喜功德。六者、請轉法輪。七者、請佛住世。八者、常隨佛學。九者、恆順眾生。十者、普皆迴向。……又復是人臨命終時，最後剎那，一切諸根悉皆散壞；一切親屬

悉皆捨離；一切威勢悉皆退失；輔相大臣、宮城內外、象馬車乘、珍寶伏藏，如是一切無復相隨。唯此願王，不相捨離，於一切時，引導其前。一剎那中，即得往生極樂世界。到已即見阿彌陀佛、文殊師利菩薩、普賢菩薩、觀自在菩薩、彌勒菩薩等。此諸菩薩，色相端嚴，功德具足，所共圍繞。其人自見生蓮華中，蒙佛授記。」

又云：「是故汝等，聞此願王，莫生疑念，應當諦受。受已能讀，讀已能誦，誦已能持，乃至書寫，廣為人說。是諸人等，於一念中，所有行願，皆得成就；所獲福聚，無量無邊！能於煩惱大苦海中，拔濟眾生，令其出離，皆得往生阿彌陀佛極樂世界。」